

19-07-2018

Elmatl,

259-118



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006.godine kod Općinskog suda u Sarajevu; Transakcijski računi: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; KM 1549212001826340, DEVIZNI-IBAN:BA39+50101200-875115 SWIFT: UPBKBA 22 kod INTESA SAN PAOLO BANKA d.d. BiH Sarajevo; KM 5659013500000511, DEVIZNI-IBAN: BA39+5651200000061888, SWIFT:BATOBA 22, kod BOBAR BANKA a.d. Bijeljina; KM 1327310010269422 kod NLB TUZLANSKA BANKA d.d. Tuzla; KM 1990490075973745 kod SPARKASSE BANK D.D. Sarajevo; KM 5550050018762580 kod NOVA BANKA a.d. Banja Luka; KM 1020500000088171, DEVIZNI-IBAN:BA39+1020500000088171 SWIFT:UBKSDA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: 1-14944-1/2018
Datum: 17.06.2018.godine
Mjesto: Sarajevo

Na osnovu člana 70., a u vezi sa članom 64. stav (1) tačka a) Zakona o javnim nabavkama ("Službeni glasnik BiH", broj: 39/14), člana 60.2 Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15 i 24/17), člana 19. Pravilnika o javnoj nabavci roba, usluga i radova u posebnim okolnostima broj: NO-24771-1-6./2017 od 23.11.2017. godine i broj: NO-25507-1-4./2017 od 07.12.2017. godine i Zapisnika o pregledu i ocjeni ponuda sa preporukom Komisije broj: GD-54-1/18 od 16.07.2018. godine, Predsjednik Uprave – Generalni direktor d o n o s i:

O D L U K U
o izboru najpovoljnijeg ponuđača

I

Ugovor za javnu nabavku roba – grafitni materijal i rezervni dijelovi za električne lokomotive, za potrebe JP ŽFBiH d.o.o. Sarajevo, dodjeljuje se ponuđaču **MINEL GENERAL ELECTRIC d.o.o. Novi Beograd**, u ukupnom iznosu od 128.360,00 EURA (bez PDV-a), tj. 150.181,20 EURA (sa PDV-om), odnosno 251.050,34 KM (bez PDV-a), tj. 293.728,90 KM (sa PDV-om) po provedenom otvorenom postupku javne nabavke, tender broj: GD-54/18.

II

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

III

Ova Odluka stupa na snagu danom donošenja.

O b r a z l o ž e n j e

Predsjednik Uprave – Generalni direktor Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: 1-8706-1/2018 od 20.04.2018. godine odobrio pokretanje otvorenog postupka javne nabavke roba – grafitni materijal i rezervni dijelovi za električne lokomotive, za potrebe JP ŽFBiH d.o.o. Sarajevo, tender broj: GD-54/18.

Obavještenje o nabavci je objavljeno na portalu javnih nabavki dana 29.05.2018. godine, broj obavještenja: 1050-1-1-227-3-90/18, te u "Službenom glasniku BiH", broj: 36/18, od 01.06.2018. godine, broj obavještenja: 1050-1-2-145-3-60/18.

UIC 50

Bosna i Hercegovina

JP ŽFBiH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085, Pravni i kadrovski poslovi: tel. +387 33 251-123.

Rješenjem Predsjednika Uprave - Generalnog direktora, broj: 1-8711-1/2018 od 20.04.2018. godine, imenovana je Komisija za nabavke (u daljem tekstu: Komisija) koja je provela postupak nabavke, u sljedećem sastavu: Elma Huseinović – predsjednik, Maida Saletović – član, Selma Dervišević – član, Ivana Serhatlić – član i Esad Mašić – zamjenik člana. Zamjenik sekretara Komisije – Edina Karić.

Na osnovu člana 63. Zakona o javnim nabavkama ("Službeni glasnik BiH", broj: 39/14), Komisija je dana 26.06.2018. godine u 12:00 sati, izvršila javno otvaranje ponuda. Do određenog roka za dostavljanje ponuda, dostavljene su 4 (četiri) ponude, i to:

1. Ponuda ponuđača **MINEL GENERAL ELECTRIC d.o.o. Novi Beograd**, koji je ponudio:
Cijena: 128.360,00 EURA (bez PDV-a), odnosno 150.181,20 EURA (sa PDV-om)
251.050,34 KM (bez PDV-a), odnosno 293.728,90 KM (sa PDV-om)
Rok isporuke: 45 dana
2. Ponuda ponuđača **GANGES d.o.o. Doboj**, koji je ponudio:
Cijena: 227.843,96 KM (bez PDV-a), odnosno 266.577,43 KM (sa PDV-om)
Rok isporuke: 30 dana
3. Ponuda ponuđača **BH ING d.o.o. Sarajevo**, koji je ponudio:
Cijena: 232.623,02 KM (bez PDV-a), odnosno 272.168,93 KM (sa PDV-om)
Rok isporuke: 60 dana
4. Ponuda ponuđača **GLOBAL EXPORT d.o.o. Doboj**, koji je ponudio:
Cijena: 243.626,27 KM (bez PDV-a), odnosno 285.042,74 KM (sa PDV-om)
Rok isporuke: 60 dana

Na otvaranju ponuda prisustvovali su predstavnici ponuđača: BH ING d.o.o. Sarajevo – Kavazbašić Salih i GLOBAL EXPORT d.o.o. Doboj – Mišanović Saša.

Komisija je pristupila pregledu i ocjeni pristiglih ponuda, te konstatovala sljedeće:

Ponuda ponuđača **MINEL GENERAL ELECTRIC d.o.o. Novi Beograd**, je ocijenjena kao prihvatljiva, jer je ponuđač dostavio svu traženu dokumentaciju iz tenderske dokumentacije.

Ponuda ponuđača **GANGES d.o.o. Doboj (predstavnik) i GANGES INTERNATIONAL d.o.o. Beograd (član grupe)**, je ocijenjena kao nevalidna iz sljedećih razloga:

Na stani ponude 65 i 66 grupa ponuđača dostavila je dva dokumenta (Tehničko odobrenje o podobnosti proizvođača i odobrenje za proizvod), koji treba da dokažu kvalificiranost grupe ponuđača prema zahtjevanoj tački 7.4.2 c) tenderske dokumentacije. Predmetni dokumenti nisu dostavljeni u originalu ili ovjerenoj kopiji kako je zahtijevano tačkom 7.4.1 a) tenderske dokumentacije, koja glasi:

„a) Ugovorni organ, zavisno od vrste, količine ili obima, ili namjene predmeta nabavke, u ovom postupku obavezno zahtjeva dokaze u originalu ili ovjerenoj kopiji koji se odnose na tehničku i profesionalnu sposobnost.“

Član GANGES INTERNATIONAL d.o.o. Beograd je propustio da dostavi u ponudi Uvjerenje o poreznoj registraciji i Uvjerenje o registraciji u jedinstveni registar obveznika indirektnih poreza ili ekvivalentni dokument koji izdaje institucija iz zemlje iz koje ponuđač dolazi kako je zahtjevano tačkom 7.2.2. tenderske dokumentacije i tačkom 7.4.1., gdje se navodi na koji način grupa ponuđača može biti kvalificirana.

Ponuda ponuđača **BH ING d.o.o. Sarajevo**, je ocijenjena kao nevalidna iz sljedećih razloga:

Na strani ponude 51 i 52 ponuđač je dostavio dokumente kojima treba da dokaže kvalificiranost ponuđača prema tački 7.4.2 a) tenderske dokumentacije. Na dostavljanim dokumentima je naveden datum realizacije ugovora od 16.05.2015. godine, dok je Rješenjem Općinskog Suda br: 065-0-Reg-18-001420, ponuđač registrovan da obavlja djelatnost od dana 05.04.2018 godine. Iz navedenog se jasno vidi da ponuđač BH ING d.o.o. Sarajevo nije postojao 2015. godine.

Ponuda ponuđača **GLOBAL EXPORT d.o.o. Doboj**, je ocijenjena kao nevalidna iz sljedećih razloga:

Ponuđač je propustio da dostavi kopiju Poslovne bilanse (Bilans stanja i Bilans uspjeha) ili izvode iz poslovnih bilansa za posljednje tri finansijske godine (2015, 2016, 2017), koji dokazuju pozitivno poslovanje za sve navedene godine, odnosno od početka poslovanja u predmetnom segmentu, ako je ponuđač registrovan, odnosno počeo sa radom prije manje od tri godine, ukoliko je objavljivanje poslovnog bilansa zakonska obaveza u zemlji u kojoj je ponuđač registrovan. Ako ne postoji zakonska obaveza objave bilansa, ponuđač će dostaviti izjavu ovjerenu od strane nadležnog organa; Kako propisano tačkom 7.3.2 b) tenderske dokumentacije.

Ponuđač je propustio da dostavi u kopiji Izvještaj Centralne Banke Bosne i Hercegovine ili ekvivalentni dokument koji izdaje institucija zemlje iz koje ponuđač dolazi, o svim transakcijskim računim ponuđača i izvještaji svih poslovnih banaka kojima se dokazuje da transakcijski računi ponuđača nisu bili blokirani u protekloj godini dana, kako je propisano tačkom 7.3.2 a) tenderske dokumentacije.

Ponuđač je propustio da dostavi Izjavu o ukupnom prometu ponuđača i kada je to primjereno, o prometu u segmentu poslovanja koji je predmet ugovora, za posljednje tri finansijske godine (2015, 2016, 2017) za koje se raspolaže podacima, ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od tri godine; izjava koja se prilaže ovjerava se kod nadležnog organa, kako je propisano tačkom 7.3.2 c) tenderske dokumentacije.

Cijeneći navedeno, Komisija je utvrdila da su ispunjeni zakonski uslovi za nastavak postupka nabavke i zaključenje ugovora, te u skladu sa članom 18. stav 3) Pravilnika o javnoj nabavci roba, usluga i radova u posebnim okolnostima broj: NO-24771-1-6./2017 od 23.11.2017. godine i Pravilnika o izmjenama i dopunama Pravilnika o javnoj nabavci roba, usluga i radova u posebnim okolnostima broj: NO-25507-1-4./2017 od 07.12.2017. godine, dala preporuku Predsjedniku Uprave - Generalnom direktoru za donošenje odluke o izboru najpovoljnijeg ponuđača za nabavku roba – grafitni materijal i rezervni dijelovi za električne lokomotive, za potrebe JP ŽFBiH d.o.o. Sarajevo, tender broj: GD-54/18, ponuđaču **MINEL GENERAL ELECTRIC d.o.o. Novi Beograd**, koji je ponudio cijenu:

128.360,00 EURA (bez PDV-a), odnosno 150.181,20 EURA (sa PDV-om)

251.050,34 KM (bez PDV-a), odnosno 293.728,90 KM (sa PDV-om), a u skladu sa članom 64. stav 1.

pod a) Zakona o javnim nabavkama BiH, tj. u skladu sa kriterijem ekonomski najpovoljnije ponude.

Na osnovu provedenog postupka od strane Komisije za nabavke, te Zapisnika o pregledu i ocjeni ponuda sa preporukom Komisije broj: GD-54-1/18 od 16.07.2018. godine, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo, u roku od 10 (deset) dana od dana prijema iste, a u skladu sa članom 101. Zakona o javnim nabavkama.

Dostaviti:

- Sektor za OŠV,
- Sektor za nabavke i prodaju,
- Sektor plana, analize i raspoređivanja prihoda,
- Ponuđačima/x4,
- a/a.



Predsjednik Uprave – Generalni direktor

Enis Džafić, mr.ecc.